

## **BASES DE SELECCIÓN DE PERSOAS BENEFICIARIAS DA PRIMEIRA EDICIÓN DO PROXECTO “EMPREGALIA” COFINANCIADO POLO FONDO SOCIAL EUROPEO A TRAVÉS DA INICIATIVA XUVENIL (AXUDAS AP/POEJ)**

**Primeira** .- Estas bases establecen o procedemento de selección de persoas beneficiarias para participar na primeira edición do proxecto “EMPREGALIA” que se desenvolverá no ano 2018.

**Segunda**.- O proxecto se implementa a través da realización de actividades formativas que se concretan en itinerarios integrados para a mellora da formación e a empregabilidade das persoas mozas participantes nas mesmas, inscritas no ficheiro do Sistema Nacional de Garantía Xuvenil.

**Terceira**.- As accións formativas que se impartirán nos itinerarios de referencia son as que de seguido se relacionan:

- Actividades auxiliares en viveiros, xardíns e centros de xardinería (330 horas)
- Operacións básicas de catering ( 250 horas)
- Operacións básicas de cociña ( 350 horas )
- Dinamización de actividades de tempo libre educativo, infantil e xuvenil ( 310 horas)
- Aplicación e manexo de sistemas aéreos non tripulados .RPAS/Drones ( 300 horas).
- Socorrismo en espazos acuáticos naturais ( 420 horas)
- Socorrismo en instalacións acuáticas ( 370 horas ).

**Cuarta**.- Os obradoiros de formación transversal de carácter obrigatorio que se impartirán serán:

- Fomento das novas tecnoloxías da información e comunicación (40 horas)
- Inglés ( 40 horas )
- Igualdade de oportunidades entre mulleres e homes ( 10 horas )
- Inserción laboral, sensibilización ambiental e na igualdade de xénero ( 10 horas ).

**Quinta**.- Destinatarios:

Con carácter xeral:

- Persoas mozas maiores de 16 anos e menores de 30 anos , incluídas as persoas con discapacidade, non ocupadas e non integradas nos sistemas de educación ou formación, independentemente do seu nivel formativo e que estean rexistradas no ficheiro do Sistema Nacional de Garantía Xuvenil.

Con carácter específico:

Ademáis con carácter específico para as accións formativas: Socorrismo en espazos acuáticos naturais, Socorrismo en instalacións acuáticas, Dinamización de actividades de tempo libre educativo, infantil e xuvenil:

- Ter aprobado alomenos a ESO, ou as competencias clave e en todo caso poder acceder á formación para obtención de certificado de profesionalidade do nivel 2.

**Sexta.-** A preselección das persoas beneficiarias realizárase pola oficina do Servizo Público de Emprego, para cada unha das accións formativas, tendo en conta os requisitos establecidos anteriormente, a petición de candidatos/as por parte do equipo técnico encargado do desenvolvemento do proxecto,

**Sétima.-** Selección

A selección das persoas interesadas en participar no proxecto realizarase do seguinte modo:

a) Unha vez recibida a listaxe de persoas candidatas para cada unha das accións formativas, enviada polo Servizo Público de Emprego, e previa comprobación do cumprimento dos requisitos para participar no proxecto, realizarase unha entrevista, que poderá ser persoal, ou curricular por escrito e que será realizada por persoal técnico adscrito ao do Concello de Lugo, con experiencia en implementación de proxectos de inserción laboral. Na entrevista, as persoas candidatas expoñerán a súa vontade e as razóns para participar no proxecto.

No momento da entrevista achegarase a seguinte documentación:

- Fotocopia do DNI
- Acreditación da inscrición no ficheiro do Sistema Nacional de Garantía Xuvenil.
- Acreditación da titulación académica ou das competencias clave para ter acceso aos certificados de profesionalidade de nivel 2.
- Acreditación das distintas situacións que dan lugar á puntuación segundo baremo.

b) O baremo de valoración para a selección será o seguinte:

1.- Muller desempregada: 1 punto

2.- Situación de risco de exclusión social: 1 punto \*

3.- Discapacidade : 1 punto \*\*

4.- Mozos/as que non superaron a ensinanza obrigatoria ( excepto para as accións formativas con certificado de profesionalidade): 1 punto\*\*\*

5.- Antigüidade no desemprego: 1 punto\*\*\*\*

6.- Motivación para participar no proxecto: ata 3 puntos

7.- Interese demostrado pola busca de emprego: ata 3 puntos

8.- Interese, motivación ou disposición para o autoemprego: ata 3 puntos

9.- Apreciación da disposición para finalizar o itinerario: ata 3 puntos

\* Acreditarase con informe emitido polos servizos sociais correspondentes ou documento oficial que avale a situación de que se trate.

\*\* Acreditarase co documento oficial que recoñeza o grao de discapacidade.

\*\*\* Acreditarase con certificado de escolaridade.

\*\*\*\* Acreditarase con informe do Servizo Público de Emprego.

c) Unha vez rematadas as entrevistas e realizadas as valoracións pertinentes, procederase á publicación das listas das persoas admitidas ao programa no Taboleiro de Edictos do Concello, así como a lista de reservas, no caso de que se produzan baixas de persoas seleccionadas.

d) No caso de que se esgote a lista de reserva dunha acción formativa, se procedera do seguinte modo, para completar o número de 15 participantes:

1º) Persoas que non sendo seleccionadas noutra acción formativa, manifestaran na entrevista de selección a súa vontade de realizar calquera outra do proxecto, sempre que cumpran cos requisitos requiridos.

2º) De non cubrirse as vacantes do xeito anterior, se realizarán novas peticións de candidatos á Oficina do Servizo Público de Emprego.

f) Unha vez rematado o proceso selectivo, se publicará a lista de persoas admitidas, no Taboleiro de edictos do Concello de Lugo.

#### **Oitava: Itinerario integrado**

As accións formativas e obradoiros anteriormente citados forman parte dun itinerario integrado para a mellora da formación e a empregabilidade das persoas participantes polo que as persoas seleccionadas que se incorporen ao proxecto estarán tutorizadas desde o inicio da súa incorporación ao mesmo e recibirán accións de orientación e axuda na busca activa de emprego.

#### **Novena.- Obrigas e dereitos das persoas beneficiarias:**

Serán obrigas das persoas beneficiarias:

- Respetar o compromiso adquirido co proxecto e a realización dos pasos e accións no seu proxecto individual.
- Facilitar todos aqueles datos que se soliciten dende o equipo técnico e garantir a súa veracidade.
- Asistir a todos os obradoiros e accións formativas que se impartan.
- Manter en todo momento o respecto e o acatamento ás normas de convivencia cara a todas as persoas participantes do proxecto: persoas beneficiarias, docentes, coordinación, equipo técnico, orientadores/as... O incumprimento destas normas pode levar á exclusión do proxecto.
- Respetar todos os materiais que se faciliten para o desenvolvemento das accións dende as instalacións ata o material funxible.
- Para os efectos de computar como beneficiario/a do proxecto e por tanto ter dereito no seu caso, aos correspondentes certificados de profesionalidade e Diplomas, será necesario acreditar unha asistencia real de alomenos un 75% de todas as actividades obrigatorias do itinerario correspondente (75 % das horas teóricas; 75% das horas prácticas e 75% de cada un dos obradoiros obrigatorios).

- Todas as faltas de asistencia deberán ser xustificadas, soamente se permite unha falta de asistencia sen xustificar ao mes. En ningún caso se percibirá o tanto por cento da bolsa correspondente ás horas de non asistencia, aínda que sexa por causa xustificada.

Só se considerarán xustificadas as faltas:

- Por enfermidade: achegando xustificante médico
- Circunstancia familiar grave -enfermidade de familiar co que conviva, que necesariamente deba atender, hospitalización ou falecemento- sempre acompañando xustificante oficial da causa.
- Exames de estudos oficiais.
- Xestións en organismos oficiais. A non ser que polo tipo de trámite non sexa posible, para que sexa considerada falta xustificada, é necesario reincorporarse ao curso antes das 12 horas ou ausentarse del a partir das 12 horas. Deberase achegar un xustificante.

- Deberase respectar o horario e o calendario do curso. A reiterada falta de puntualidade será obxecto de falta de asistencia.

- Cando por causa xustificada non poida asistir á formación, deberase comunicar, de non ser así, transcorridos tres días, causará baixa automática no proxecto. En todo caso a non asistencia ao curso sen a debida xustificación dará lugar á baixa automática no programa.

- Na avaliación final, realizada polos docentes que imparten a acción formativa, terase en conta o nivel de participación das persoas beneficiarias, tanto na formación teórica coma na formación práctica, así como o acatamento das normas reflectidas nestas bases.

- Deberase asistir a todas aquelas titorías individualizadas, actividades, xornadas e seminarios que se convoquen para o desenvolvemento dos itinerarios.

- Deberán acatarse as normas establecidas en cada un dos centros e empresas de prácticas, onde se desenvolvan as accións.

- **Serán dereitos das persoas beneficiarias:**

- Dereito a un trato xusto e igualitario

- Dereito á intimidade e confidencialidade dos datos achegados ao equipo técnico

- Dereito ao uso e goce das instalacións para o desenvolvemento das actividades contempladas no proxecto

- Dereito a recibir unha formación de calidade

- Dereito a percibir a bolsa correspondente ao tanto por cento das horas asistidas nas condicións establecidas na base seguinte

- Dereito ao material necesario para o desenvolvemento e aproveitamento dos obxectivos do proxecto

- Dereito a un itinerario de inserción sociolaboral individualizado e adaptado ás necesidades observadas previamente
- Dereito á realización dun período de prácticas non laborais
- Dereito a unha titoría e a un seguimento individualizado ao longo do proceso
- Dereito a que se articulen todas aquelas medidas, tanto a nivel social como de formación, que sexan necesarias para a mellora dos seus niveis de empregabilidade
- Dereito a recibir o certificado de asistencia no caso de ter dereito ao mesmo nos termos establecidos anteriormente.

#### Décima.-

Conforme aos trámites económico-administrativos pertinentes, as persoas beneficiarias que non estean incursoas en ningunha das prohibicións establecidas pola lei para recibir axudas públicas (artigo 13 da Lei 38/2003 xeral de subvencións), percibirán unha bolsa por asistencia de 200 euros mensuais (10 euros/día; 2 euros/hora) ou a parte proporcional correspondente no caso dos obradoiros de formación transversal.

Esta bolsa será compatible coa percepción da prestación ou subsidio por desemprego, así como con outras axudas públicas para a mesma finalidade.

O aboamento da bolsa, **en ningún caso, tendo en conta os trámites administrativos necesarios, poderá realizarse en prazo inferior a un mes, e percibirase a partir do segundo, dende o comezo da acción formativa.**

En ningún caso terán dereito a remuneración as persoas beneficiarias que asistan menos de trinta días do itinerario formativo.

Non recibirán bolsa as persoas que no momento do pagamento se comprobe que teñen débedas co Concello de Lugo, ata tanto regularicen a situación e sempre que a mesma teña lugar antes do 30 de xuño de 2018.

**Décimo primeira.-** En todo o non contemplado especificamente nestas bases, estarase ao establecido nas resolucións que en execución do proxecto emanen da Dirección General de Relaciones con las Comunidades Autónomas e Entes Locales.